

【经文信息】大正藏第 17 册 No. 0806

## 佛说枯树经 1 卷

No. 806

### 佛说枯树经一卷

僧伽尼城北。迦叶佛时偷婆。陷在下方金刚际。佛从天上为母说法。还于此城下。阿难问佛。佛从天下以何为帜。佛言。今当现证。即申手下方。执迦叶佛偷婆出。此偷婆以杂色玉石作偷婆。名僧伽尸。迦叶佛父。名说立婆留言慈造。高三百肘方三里半。本真七宝合。故有七种色。现城即以此偷婆为称也。迦叶阿难等。所以于此地集经者。有二事不得涅槃处出。一者不在人中。二者天人四辈来者。皆当悲感心乱。不靖听故也。集讫。诸王于其处。造僧伽蓝名诸王寺。在偷婆北。后群荼王。嫌偷婆当城门。王欲坏之。勅城内严铍[金\*斫]明。当除之。夜半偷婆便移。从城上过音声振国。去城南二十里。在树林间止。所劝王破寺臣者。即诛五族。王覩变知。改为清信士。自移来可四十年许。诸王寺朽坏。后有横王出更修饰之。今日现在。

### 佛说枯树经

---

【经文信息】大正藏第 17 册 No. 0806 佛说枯树经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】

---